

URDHËR
Nr. 1594, datë 31.7.2026

PËR DELEGIMIN E KOMPETENCAVE DHE ÇAKTIMIN E DETYRAVE
ZËVENDËSMINISTRIT TË MBROJTJES, ZNJ. BLERINA ABRAZHDA

Në mbështetje të pikës 4, të nenit 102, të Kushtetutës së Republikës së Shqipërisë, të ndryshuar; të neneve 28 dhe 29, të ligjit nr. 44/2015, “Kodi i Procedurave Administrative të Republikës së Shqipërisë”; të pikave 2 dhe 3, të nenit 11, të ligjit nr. 90/2012, “Për organizimin dhe funksionimin e administratës shtetërore”; të pikës 2, të nenit 6, të ligjit nr. 9000, datë 30.1.2003, “Për organizimin dhe funksionimin e Këshillit të Ministrave”, si dhe të vendimit nr. 518, datë 25.9.2025, të Këshillit të Ministrave, “Për përcaktimin e fushës së përgjegjësisë shtetërore të Ministrisë së Mbrojtjes”,

URDHËROJ:

1. Delegimin e kompetencave të titullarit të Ministrisë së Mbrojtjes, zëvendësministrit të Mbrojtjes, znj. Blerina Abrazhda, me porosi, në rastin e mungesës afatshkurtër, për ushtrimin e kompetencave në fushat e përgjegjësisë, si më poshtë:

- a) industria ushtarake e Republikës së Shqipërisë;
- b) procesi i modernizimit me kapacitete të avancuara;
- c) mbikëqyrja e marrëdhënieve NATO–BE;
- d) pjesëmarrja e Ministrisë së Mbrojtjes në organizata dhe nisma ndërkombëtare.

2. Në ushtrimin e kompetencave të titullarit të Ministrisë së Mbrojtjes, sipas pikës 1, të këtij urdhri, zëvendësministri ngarkohet të ndjekë, monitorojë, koordinojë me institucionet e varësisë, agjencitë autonome, drejtoritë në përbërje të ministrisë dhe të përgjigjet përpara ministrit, mbi:

a) zhvillimin e kapaciteteve operationale, njerëzore dhe infrastrukturore të Forcave të Armatosura të Republikës së Shqipërisë, nëpërmjet koordinimit dhe monitorimit të politikave të modernizimit dhe zhvillimit institucional;

b) hartimin, koordinimin dhe zbatimin e politikave për zhvillimin e industrisë ushtarake, përfshirë bashkëpunimin ndërinstitucional dhe ndërkombëtar në këtë fushë;

c) koordinimin dhe harmonizimin e politikave dhe prioritetëve që lidhen me zhvillimin strategjik të Forcave të Armatosura të Republikës së Shqipërisë;

ç) ndjekjen e programeve dhe projekteve që lidhen me modernizimin institucional dhe operational në sektorin e mbrojtjes;

d) mbikëqyrjen e performancës dhe raportimeve periodike të strukturave përgjegjëse në fushat e deleguara të përgjegjësisë.

3. Në ushtrimin e kompetencave të titullarit të Ministrisë së Mbrojtjes, sipas pikës 1, të këtij urdhri, zëvendësministri ngarkohet të kryejë mbikëqyrjen e performancës dhe raportimet periodike të institucioneve të varësisë dhe agjencive autonome.

4. Zëvendësministri raporton me shkrim te ministri për zbatimin e detyrave të caktuara në këtë urdhër sipas kërkesës së ministrit dhe të paktën 1 (një) herë në javë për detyrat dhe përgjegjësitë e deleguara sipas këtij urdhri dhe ato të parashikuara në legjislacionin në fuqi.

5. Zëvendësministri, sipas parashikimeve të këtij urdhri, autorizohet të nënshkruajë:

a) akte shkresore të iniciuara në nivel zëvendësministri brenda fushave të përgjegjësisë, si dhe ato në përmbushje të marrëveshjeve të nënshkruara;

b) akte shkresore që lidhen me plotësimin e detyrimeve që rrjedhin në cilësinë e tij të anëtarit apo kryetarit të grupeve të punës;

c) çdo shkresë/akt/procedurë shkresore tjetër me autorizim të posaçëm të ministrit.

6. Kompetencat e deleguara sipas këtij urdhri ushtrohen në përputhje me ndarjen e fushave të përgjegjësisë të përcaktuara për zëvendësministrat e tjerë të Ministrisë së Mbrojtjes.

7. Çdo akt tjetër që vjen në kundërshtim me këtë urdhër, shfuqizohet.

8. Delegimi i kompetencave mbaron me shfuqizimin e aktit të delegimit, si edhe me pushimin e ekzistencës së organit delegues ose të deleguar.

9. Ngarkohen zëvendësministrja, znj. Blerina Abrazhda, institucionet e varësisë, agjencitë autonome dhe drejtoritë e aparatit në përbërje të Ministrisë së Mbrojtjes për zbatimin e këtij urdhri, sipas njoftimeve përkatëse për mungesën afatshkurtër të ministrit.

10. Ngarkohet Sektori i Arkiv-Protokollit për njoftimin e këtij urdhri.

Ky urdhër hyn në fuqi menjëherë dhe botohet në Fletoren Zyrtare.

MINISTËR I MBROJTJES
Ermal Nufi